

Mela-dorvu luohppi fitnodatolbmui

Diedihančállosa sisdoallu

Dasa, guhte jurddaša luohpat.....	1
Luohpandoarjja.....	2
Luohpandoarjaga oažžuma eavttut.....	2
Buolvadatmolsun eanadálus.....	4
Luohpadeapmi lasseeanan.....	5
Boazodoalus luohpan.....	5
Čatnaseamit.....	6
Luohpandoarjaga mearri ja ohcan.....	6
Go lea luohpandoarjaga vuolde.....	7
Geavatlaš áššit.....	8
Lassedieđut Mela-dorvvus.....	8
Mela-dorvui gullet.....	9

Eanadoallofitnodatolbmo Mela-dorvu

Eanadoallofitnodatolbmuid ealahatlagádusa – Mela – bargun lea doarjut suomelaš eanadoallofitnodatolbmo buresbirgejumi sierra eallinmuttuin. Eanadoalliid, guolásteaddjiid, boazodoalliid ja vuovdeeaiggádiid bargoealahatdorvu mearrašuvvá eanadoallofitnodatolbmo ealahatlága (MYEL) mielde ja dan vuodđun lea MYEL-oadju. Ovttas MYELain eanadoallofitnodatolbmui leat addimin dorvvu MATA-bargobárteoadju ja eará Mela-ovddut. Oktasaš namahusain dán dorvvu gohčodit Mela-dorvun.

Dasa, guhte jurddaša luohpat

Go eanadoallofitnodatolmmoš pláne ealahahkii báhcima ja barggus luohpama, de son galgá váldit vuhtii maiddá dan, mo luohpan vejolaččat váikkuha náittosguoimmi ja joatki eallindillái. Mearrádusa dahkamis sáhtta leat veahkin luohpandoarjja, mii lea fitnodatdoaimma čovdosiidda čadnojuvvon ealahat. Dat dorvvasta eanadoallofitnodatolbmo áigáiboađu ovdal boaris-vuođaealahaga dalle, go fitnodatolmmoš ollašuhtta buolvadatmolsuma dahje luohpada bealdduid lasseeanan.

Čovdosat, mat dahkkojuvvojit luohpandoarjaga vuollai bázedettiin, váikkuhit guhkás fitnodaga boahteáigái. Eará ealahagain lea doarvá ahte ealahatohcci deavdá ealahaga

oažžuma eavttuid. Luohpandoarjagis galget dasa lassin luohpadanvuloš eanadállu ja joatki deavdit sierra eavttuid.

Dát dieđihančálus muitala luohpandoarjagis ja das, maiguin eavttuiguin dan sáhtá oažžut. Dieđihančálus guoská jagiid 2007–2010 dáhpáhuvvi luohpamiidda. Lága gustoma áigge láhkarievdadusat leat goittot vejolaččat. Eará ealáhatmolssaeavttuin muitaluvo dieđihančállošis "Mela-dorvu vuorasmuvadettiin".

Luohpandoarjja

Eanadoalli sáhtá oažžut luohpandoarjaga, go luohpada dálu buolvadatmolsumiin dasa, guhte áigu joatkit dálloallama. Luohpadeapmi sáhtá maiddá dáhpáhuvvat nu, ahte vuovdá dahje láigoha bealdduid lasseenan nuppi eanadoallái. Bealdduid láigoheapmi lea vejolaš jagi 2008 lohppii.

Boazodoalli sáhtá oažžut luohpandoarjaga, go luohpada bohccuid buolvadatmolsumiin joatkái dahje vuovdá bohccuid nuppi boazoeaiggádii.

Luohpandoarjagis galgá álo ovdal loahpalaš luohpadeami ohcat ovdamearrádusa. Ohcama sáhtá dahkat áramustá jagi ovdal luohpanagi.

Luohpandoarjaga oažžuma eavttut

Luohpandoarjaga sáhtá oažžut eanadálu dahje boazodoalodálu oamasteaddji ja su náittosguoibmi, geat heaitiba bissovaččat bargamis eanadoaluin ja heaitiba vuovdedoalu háhkanbargguid. Maiddá MYEL-oajuhuvvoma orrunguoimmis, eanadoallofitnodatolbmo leaskkas ja eanadoalloovttastumi oarbinašosolaččas lea vuoigatvuohta luohpandoarjagii. Dasa lassin fitnodatsearvehámis jođihuvvon eanadoallooaimmas sáhtá oažžut luohpandoarjaga.

Luohppi galgá leat bargan eanadoaluin uhcimustá logi mañimuš jagi ovdal luohpama. Sus maiddá galgá leat leamaš MYEL-oajju goittot vihtta mañimuš jagi ovdal luohpama. Luohpandoarjagii ii leat vuoigatvuohta, jos dálu bealdduin leat luohpaduvvon mávssolaš oassi golmma mañimuš jagi áigge ovdal luohpama. Luohpan galgá dáhpáhuvvat ovdalgo luohppi deavdá 63 jagi.

Fuolkeluohpadeapmi

Fuolkevuohta mearrida, man agis sáhtá áramustá báhcit luohpandoarjaga vuollai. Buolvadatmolsun- dahje lasseeanaluohpadeamis, mas buot bealddut luohpaduvvojit mánnái dahje eará lagasfuolkái, luohpandoarjaga sáhtá oažžut 56 jagi deavdán eanadoalli. Buolvadatmolsun ii sáhte dáhpáhuvvat láigoheami bokte.

Eará luohpadeapmi 2007–2008

Jos bealdu luohpaduvvo nu ahte dat vuvdojuvvo olggobealeolbmui lasseenan, de luohpandoarjaga vuollai sáhtá báhcit 57-jahkásažžan jagiid 2007 ja 2008. Jos buolvadatmolsun luohpaduvvo olggobealeolbmui, de luohppi galgá leat uhcimustá 60 jagi boaris.

Seammaláhkai go láigoha bealdduid lasseenan, de luohpandoarjaga sáhtá oažžut 60 jagi deavdán olmmoš.

Lagasfulkkežat leat

- luohppi dahje su guoimmi mánát oktan náittosguimmiiguin
- luohppi dahje su guoimmi oarbinaččaid mánát oktan náittosguimmiiguin.

Eará luohpadeapmi 2009–2010

Jos buolvadatmolsun dahje lasseeana luohpaduvvo olggobealeolbmui jagiid 2009-2010, de luohppi galgá leat deavdán 60 jagi. Láigoheami bokte luohpandoarjaga ii dáid jagiid šat oaččo.

Boazodoalloluohpadeapmi 2007–2010

Boazodoalus luobadettiin luohpandoarjaga sáhtá oažžut 56-jahkásaš boazodoalli. Fuolkevuohda dahje luohpadanvuohki ii mearkkaš dán áššis.

Luohpanjahki ja ahkerájit

<i>Luohpanvuohki</i>	<i>2007–2008</i>	<i>2009–2110</i>
<i>Buolvadatmolsun</i>		
<i>- lagasfuolkái</i>	<i>56–</i>	<i>56–</i>
<i>- olggobealeolbmui</i>	<i>60–</i>	<i>60–</i>
<i>Vuovdin lasseeanan</i>		
<i>- lagasfuolkái</i>	<i>56–</i>	<i>56–</i>
<i>- olggobealeolbmui</i>	<i>57–</i>	<i>60–</i>
<i>Láigoheapmi lasseeanan</i>	<i>60</i>	<i>ii vejolaš</i>
<i>Boazodoallu</i>	<i>56–</i>	<i>56–</i>

Ráhkkanahhti luohpandoarjagii 5 jagi ovdal vuolleahkeráji Sirdašuvadettiin suodjenjuolggadusat

Ealáhat hehte luohpandoarjaga

Luohpandoarjagii ii leat vuoigatvuohda, jos luohppi oažžu luobadettiin álbmotealáhaga dahje MYELa mieldásaš dievas bargonávccahisvuođaealáhaga dahje oasseáigeealáhaga. Muhto veajuiduhttindoarjja, bárteoadju ja oassebargonávccahisvuođaealáhat gal eai hehte luohpandoarjaga oažžuma. Luohpandoarjaga oažžun dihte olbmos, guhte lea oassebargonávccahisvuođaealáhagas, galgá leat MYEL-oadju mañimustá 1.1.2008 rájes.

Dienasbargguin sáhtá ainge bargat

Maiddá dietnasat ja fitnodatdoaimma eai hehte oažžumis luohpandoarjaga. Doarjaga máksigohtet goittot easkka dalle, go bargodietnasat báhcet vuollel dienasráji, mii lea sullii 588 euro mánotbajis.

Ráhkkanahhti luohpandoarjaga

Náittosguimmežiin nuorat sáhtá oažžut ng. ráhkkanahhti luohpandoarjaga, jos son lea eanemustá 5 jagi nuorat go dákkár luohpanvuohki gáibida. Dálu fitnodatolbmot galgaba luohpat ja ohcat luohpandoarjaga oktanaga. Luohpandoarjaga máksigohtet, go ahkerádjegáibáduš lea devdojuvvon, jos bargodietnasat báhcet vuollel dienasráji. Go olmmoš lea ráhkkanahhti luohpandoarjaga vuolde, de son sáhtá leat barggus dahje doaimmat eará fitnodatolmmožin almmá dienasráji haga.

Ráhkkanahhti luohpandoarjaga sáhtta oážžut áramust 5 jagi ovdal ieš luohpanagi MYEL-oajuhuvvon

- nuorat náittosguoibmi, guhte luohpá oktanaga guimmiinis, guhte lea deavdán ahkeráji ja oážžu luohpandoarjaga
- eanadoalloovttastumi nuorat oarbinašosolaš, guhte luohpá ovtas ahkeráji deavdán ja luohpandoarjaga oážžu oarbinaččainis
- eanadoallofitnodatolbmo leaska, guhte lea osolažžan eanadálu oamasteaddji jápminbeasis
- dievas MYEL-bargonávccahisvuodaealáhaga oážžu náittosguoibmi.

Buolvadatmolsun eanadálus

Buolvadatmolsumis oamastanvuogitvuohta galgá sirdašuvvat. Láigohemiin ii sáhte dahkat buolvadatmolsuma.

Eanadálus gáibiduvvo

Buolvadatmolsunluohpadeamis eanadálu bealdoeatnamat buvttadanvisttiiguin galget luohpaduvvot ollásit. Jos luohpadanvuloš dálus leat moanat oamasteaddjit, de sii galget buohkat luohpat nugo luohpandoarjannjuolggadusain daddjojuvvo. Maiddái láigoeatnamiid galgá heaitit šaddadeamis.

Joatkái šaddi eanadállu galgá leat ekonomalaččat ealihahti. Ealihahttivuohta mihtiduvvo árvoštallamiin, mas čilget dálu fitnodatdoaimma sisaboađut luohpanjagi čuovvovaš viđa jahkái. Sisaboađut galget leat uhcimustá 10 000 euro ja eanadoalu geahpádusat uhcimustá 3 400 euro jagis. Jos eanadállu ii leat ekonomalaččat ealihahti, de joatki galgá čatnasit doaibmabijuide, maiguin dálle šaddá ealihahttin.

Joatkis gáibiduvvo

Buolvadatmolsunluohpadeamis joatki galgá leat luohpama áigge vuollel 40-jahkásaš. Sus galgá leat eanadoalu skuvlejupmi dahje eará sullasaš skuvlejupmi.

Skuvlejumi sáhtta dattet golmma jagi bargohárjehallamiin ja dálu buvttadansuorgái heivvolaš lasseskuvlejumiin. Dудdejeaddji skuvlejupmi galgá háhkkojuvvo guovtte kaleanddarjagi sisa dállogávppi dahkamis.

Joatki galgá ássat dálus dahje dan lahkosiin ja váldit badjelasas dálu eanadoalu. Eará bissovašlágan dietnasat joatkis ožžot leat luohpama áigge eanemustá 55 000 euro jagis.

Buolvadatmolsumis joatkin ii sáhte leat olmmoš, guhte lea ožžon ovdal eará dálus nuorra eanadoalliid álggahandoarjaga dahje johtuibidjandoarjaga. Dalle galgá goittot leat vejolaš luohpadit bealdduid lasseanan.

Fitnodatsearvehápmásaš luohpadeapmi

Luohpandoarjaga sáhtta leat vejolaš maiddái fitnodatsearvehápmásaš dálu buolvadatmolsumis. Luohppis galgá leat MYEL-oadju eanadálu oamasteaddji fitnodatsearvvi doaimmas.

Luohppiide sáhtá báhcit

Luohppit sáhttet guođit iežaset oamastussii vuovddi. Buolvadatmolsunluohpadeamis joatkái galgá luohpadit dálu buvttadanvisttiid, muhto lasseeanaluohpadeamis luohppiide sáhttet báhcit vuovddi lassin buot visttit. Bealddu luohppi sáhtá guođit alccesis eanemustá ovttá hektára, goittotge eanemustá logi proseantta bealdoviidodagas.

Luohpadeapmi lasseeanan

Luohpandoarjaga sáhtá oažžut, go luohpada bealdduid lasseeanan jagiid 2007–2010. Lasseeanabealddu oasti dahje láigoheaddji galgá leat luohpama áigge vuollel 50-jahkásaš ja sus galgá leat fámus bákkolaš MYEL-oadju.

Eanadoalli sáhtá vuovdit dahje skenket buot bealdduid lasseeanan iežas mánnái dahje eará lagasfuolkái dahje vuovdit bealdduid ovttá vieris eanadoallái dahje osiid mielde moanaide vieris eanadoalliide. Ovttá luohpadeapmái galgá gullat uhcimustá 2 hektára bealdu.

Jagiid 2007–2008 lea vejolaš luohpat nu, ahte láigoha bealdduid. Láigosoahpamuša galgá dahkat uhcimustá 10 jahkái. Láigoáigi sáhtá álgit áramustá láigosoahpamuša vuolláičállima rájes.

Boazodoalus luohpan

Boazodoalu buolvadatmolsunluohpadeamis luohppi vuovdá dahje skenke bohccuid ja dárbbaslaš visttiid ja rusttegiid boazodoalu joatkái. Maiddái náittosguoibmi galgá luohpadit bohccuidis. Bohccuid lassin galgá luohpat maiddái bealdošaddadeamis.

Boazodoalli sáhtá oažžut luohpandoarjaga 56-jahkásažžan sihke buolvadatmolsun- ja lasseboazoluohpadeamis.

Joatkis gáibiduvvo

Buolvadatmolsunjoatki galgá leat vuollel 40-jahkásaš. Joatki ii dárbbas leat ovdal bargan boazodoaluin, iige son dárbbas leat fuolki luohppiide. Joatkis galgá leat eanadoalu skuvlejupmi dahje eará sullasaš skuvlejupmi. Skuvlejumi sáhtá duddet golmma jagi bargohárjehallamiin ja dálu buvttadansuorgái heivvolaš lasseskuvlejumiin. Dудdejeaddji skuvlejupmi galgá háhkkojuvvot guovtte kaleanddarjagi sisa dállogávppi dahkamis.

Luohpadeami geažil joatkái galgá šaddat uhcimustá 80 heakka eallu.

Lasseboazoluohpadeapmi

Bohccuid sáhtá vuovdit lasseboazun vuollel 50-jahkásaš boazoeaiggádii, guhte bargá ovddežis boazodoaluin. Luohpadeamioažžus galgá leat fámus bákkolaš MYEL-oadju boazoeaiggádin. Luohpadeami geažil su eallu galgá lassánit uhcimustá 20 heakkain.

Čatnaseamit

Luohpandoarjaga ii sáhte máksigoahtit ovdalgo luohpadeamioažžu deavdigoahtá iežas čatnaseami. Čatnaseapmi lea fámus oppa luohpandoarjaga máksima áiggi. Čatnasanáigi lea sihke eana- ja boazodoalus goittotge álo uhcimustá vihtta jagi.

Buolvadatmolsunjoatki čatnasa bargat dálus eanadoaluin luohpandoarjaga máksima áiggi ja ássat dálus dahje dakkár gaska duohen das, ahte dálle šaddá áššáigullelaš vuogi mielde dikšojuvvot. Maiddái dat, guhte oažžu lasseeanaluohpadeami, galgá čatnasit šaddadit bealdduid luohpandoarjaga máksima áiggi.

Boazodoalu joatki galgá čatnasit bargat boazodoaluin nu guhká go luohppiide máksojuvvo luohpandoarjaga.

Jos luohpadeamioažžu ii čuovo iežas addin čatnaseami, de Mela bearrá sus luohpandoarjaga oaiveopmodatárvvu. Smávva fuollameahtunvuodá dahje mávssolaš siva dihte oaiveopmodagas sáhtá bearrat dušše oasi dahje guođit ollásit bearakeahtá. Luohpadeamioažžu galgá almmuhit Melai, jos son ii čuovo iežas addin čatnaseami.

Luohppi čatnaseapmi

Luohppi čatnasa bissovaččat heaitit bargamis eanadoaluin ja heaitá loahpalaččat vuovdedoalu háhkanbargguid.

Luohpandoarjagis eanadoallun lohkkjuvvo

- bealdošaddadeapmi, šibitdoallu ja boazodoallu
- náhkkeealliidgárdun, guollešaddadeapmi ja mieđašeniiddoallu
- šaddovistebuvttadeapmi, ruotnasiidšaddadeapmi, murjiiid- ja šaddosiidšaddadeapmi ja eará šaddogárdešaddadeapmi
- ámmátlágan meahcebevdu, murjen ja guoppardeapmi
- eará sullasaš šattuid ja ealliid šaddadeapmi.

Luohpandoarjaga mearri ja ohcan

Luohpandoarjaga čoggo vuodđomearis ja dievasmahttinoasis. Vuodđomearri rehkenastojuvvo oadjoáiggi MYEL-bargodietnasiin ja dat lea dievas bargonávccahisvuodaealáhaga sturrosaš. Dan meari sáhttet geahpedit bárte- ja johtalusoadjolaš mielásaš buhtadusat. Vuodđomearri nuppástuvvá 63 jagi agis MYEL-boarisvuodaealáhahkan.

Dievasmahttinoassi lea seamma stuoris go luohppi álbmotealáhat livččii. Dat máksojuvvo gitta dassái, go luohppi deavdá 65 jagi. Dievasmahttinoassi sturrodahkii váikkuhit luohppi eará ealáhagat ja buhtadusat ja bearašgaskavuodát. Jos luohpandoarjaga oažžui mieđihuvvo eará ealáhat, de dievasmahttinoassi heaittihuvvo.

Ohcan

Luohpandoarjagis galgá ohcat ovdamearrádusa árvalusluohpadangirjjiin ovdalgo heaitá bargamis eanadoaluin. Ohcama sáhtá dahkat jagi ovdal das go ohcci deavdá luohpanagi.

Ovdamearrádus lea fámus 12 mánotbaji. Eanadoalus luohpan lea dáhpáhuvvan, go loahpalaš hálddašanvuoigatvuohta lea sirdašuvvan. Boazodoalus luohpanáigemearrin gehččojuvvo luohpadangirjji vuolláičállinbeaivi. Luohpandoarjaga máksigohtet áramustá dalle, go ieš luohpanahki lea dievvan.

Ohcan guđđojuvvo Mela-áššealbmái dahje gieldda dálonguovloaláhuseiseváldái, guhte addá áššis cealkámuša.

Luohpandoarjaga máksigohtet, go

- luohppi lea deavdán gáibiduvvon ahkeráji
- bealdduid hálddašeapmi lea sirdašuvvan luohpadeamioažžui
- luohppi lea heitán bargamis eanadoaluin (maiddái šibitdoalu ja láigoeatnamiid šaddadeami) ja heitán vuovdedoalu háhkanbargguid
- bargodietnasat luohpama maŋŋá báhcet vuollel dienasráji
- luohppi veajuiduhttindoarjja lea nohkan
- joatki lea deavdigohtán iežas čatnaseami.

Go lea luohpandoarjaga vuolde

Go lea luohpandoarjaga vuolde, de ii sáhte šat bargat eana- ja boazodoaluin iige bargat vuovdedoalu háhkanbargguid. Luohpandoarjja nohká, jos luohppi bargagohtá ođđasit eana- ja boazodoaluin dahje álggaha vuovdedoalu háhkanbargguid.

Vuovdebarggut

Vuovdeeatnama ii dárbbas luohpadit, muhto vuovdedoalu háhkanbargguid ii oaččo šat bargat. Luohppi sáhtá goittot bargat vuovddi geavaheami ja dikšuma ovddideaddji bargguid.

Bargodietnasat

Go luohppi lea luohpandoarjaga vuolde, du su bargodietnasat galget báhcit vuollel bargodienasráji, mii lea sullii 588 €/mb. Luohpandoarjaga máksin gaskkalduhtto, jos dietnasat mannet badjel dienasráji. Dienasráji badjelmannamis ja dietnasiid njiedjamis fas dienasráji vuolábeallai galgá dalán almmuhit Melai. Go lea ráhkkanahki luohpandoarjaga vuolde, de dalle gal oažžu bargat dienasbargguid almmá ráddjehusaid haga.

Eará ealáhagat ja buhtadusat

Luohpandoarjaga oažžun ii hehte álbmotealáhahkii, eará bargoealáhahkii dahje bearašealáhahkii báhcima. Bargo- ja álbmotealáhaga oažžun heittihit goittot dievasmahttinoasi. Luohpandoarjaga oažžu sáhtá oažžut bárte- ja johtalusoadjólága mielddásas buhtadusaid ja dat sáhttet geahpedit luohpandoarjaga.

Geavatlaš áššit

- Ráhkkan vuđolaččat luohpama plánemii.
- Čielggat sierra ealahatmolssaeavttuid nu, ahte válddát vuhtii maiddá iežat náittosguoimmi dili. Muhtumin eará ealahatmolssaeaktu sáhtta leat vuohkkaset go luohpandoarjja. Go lea lahka boarisvuđaealahatagi, de gánnáha smiehttat, joatkágo gitta boarisvuđaealahahkii.
- Jeara áššedovdiin. Jos leat dahkamin buolvadatmolsuma, de joatkái šaddi dálu birra galgá dahkkojuvvot ealihahttivuđáárvoštallan sihke luohpandoarjaga ja joatki ruhtadanohcama várás. Áššedovdiin oaččut veahki maiddá vearuhusas ja EU-doarjagiidda guoskevaš áššiin.
- Luohpandoarjaga birra sáhtát ohcat ovdamearrádusa áramustá jagi ovdal go deavddát luohpanagi. Ohcamii galgá laktit árvalusgávpegirjji dahje árvalusláigosoahpamuša.
- Ohcanskoviid ja joatki šaddadančatnasanskoviid oaččut Mela-áššealbmás, gieldda dáloguovloalahuseiseválddis dahje Mela interneahhtasiidduin.
- Ovdaohcama gieđahallama áigge MYEL-oadjomávssut berrojuvvojit normála vuogi mielde ja du oadjodorvu joatkašuvvá.
- Du bargobárteoadju nohká dállogávpái. Jos barggat gávppi maŋŋá eanadoallobarggu bearašlahtun dahje vuovdedoallobargguid, de váldde eaktodáhtolaš MATA-bargobárteoaju. Dasa sáhtát laktit maiddá astoáiggi oaju.

Lassedieđut Mela-dorvvus

Dán dieđihančállosis áššit leat ovdanbukton dušše váldočuoggáid mielde. Go dárbašat lassedieđuid Mela-dorvvus, de váldde oktavuoda Mela-áššealbmái. Áššealbmá oktavuodadieđut gávdnojit telefongirjjis báikkis Maatalousyrittäjien eläkelaitos. Vuostáiváldindieđut gávdnojit buoremusat Mela interneahhtasiidduin.

Sáhtát maiddá gulaskuddat njuolggá min áššehasbálvalusas, tel. 020 630 0650. Dasa lassin min interneahhtasiidduin gávdnojit dárkilet dieđut Mela-dorvvus.

Elektrovnnalaš áššiiddikšunbálvalusat

MYEL-oajuhuvvon olmmožin don sáhtát oahpásmuvvat iežat Mela-dorvui interneahhtas Mela elektrovnnalaš áššiiddikšunbálvalusaid bokte. Bálvalussii sisačáliheapmi dáhpuhuvvá persovnnalaš fierbmebánjkodovddalaga bokte čujuhusas www.mela.fi/asiointipalvelut.

Áššiiddikšunbálvalusaid bokte sáhtát dárkkistit iežat persovnnalaš áššehasdieđuid, mat leat vurkejuvvon Mela registariidda. Sáhtát maiddá fidnet árvoštallama iežat dálá Mela-dorvvus. Árvoštallan muitala, man ollu oaččut beaiveruđa dahje ealahaga, jos buohccát dahje bártidat. Jos don leat lahka luohpandoarjjaagi, de sáhtát geahččat iežat vejolaš luohpandoarjaga meari. Dasa lassin sáhtát geahččat boahttevaš boarisvuđaealahaga meari.

Sáhtát bivdit árvoštallama maiddá Mela-áššealbmás dahje Melas.

Mela-dorvui gullet

Bargoealáhagat (MYEL)

Bargoealáhagat dorvvastit birgenlági boarisvuođa, bargonávccahisvuođa, bargguhisvuođa ja oasseáigásaš barggu áigge sihke bearašfuolaheaddji jápmima maŋŋá. MYEL-ealáhagat mieđihuvvojit seamma ákkaiguin go earáge fitnodatolbmuid ja bálkáváldiid bargoealáhagat.

Bárte- ja ámmátdávduhtadusat (MATA)

Bargobárttit ja ámmátdávddat buhttejuvvojit eanadoallofitnodatolbmuid bárteoadjolága mielde. Bargobárteodjui sáhtá laktit eaktodáhtolaš astoáiggi bárteoaju.

Mela-buohcanbeaiveruhta

Go eanadoallofitnodatolmmoš buohccá, de Mela máksá beaiveruđa buohcoaju iešvástidanáiggis.

Luohpandoarjja (LUTU)

Luohpandoarjja máksojuvvo vuorasmuvvan eanadoalliide ja boazodoalliide, geat luhpet eanadoalus ja boazodoalus.

Joavkoheaggoadjobuhtadusat (RHV)

MYEL-oajuhuvvoma jápmima maŋŋá oapmahaččat ožžot buhtadusa eanadoallofitnodatolbmuid joavkoheaggaoajus.

Luopmosadjásašbálvalusat

Lágasmearriduvvon MYEL-oaju vuollai gullevaž eanadoallofitnodatolbmot sáhttet oažžut luopmosadjásačča iežaset dálui. Luopmosadjásašbálvalusaid fálet gielddaid hábmen iehčanas báikkálašovttadagat.

Bargodorvvolašvuhta

Eanadoallofitnodatolbmot láidestuvvojit dustet barggusteaset bárttiid ja ámmátdávddaid ja ovddidit iežaset bargoburesbirgejumi.

Lassedieđut www.mela.fi > Eläketurva > Luopumistuki

Eanadoallofitnodatolbmuid ealahatlagádus **Mela**
Revontulentie 6, 02100 Espoo
tel. 020 630 0500